

Studieplan 2017/2018

Norsk 2 (GLU 1-7)

Studiepoeng: 30

Studiets nivå og organisering

Studiet er eit deltidsstudium som består av eit emne, på 30 studiepoeng. Studiet går over 2 semester.

Bakgrunn for studiet

I norsk 2 skal studentane få ei utvida, forskningsbasert innsikt i norsk språk- og tekstkunnskap og fagdidaktikk; dei skal arbeide meir med dei grunnleggande ferdigheitene og med eit breitt spekter av arbeidsmåtar, slik at dei skal få ei djupare forståing av samanhengen mellom fag, fagdidaktikk og praksis.

Læringsutbytte

Sjå nærare skildring i emneplanane.

Målgruppe

Lærarar som ynskjer økt kompetanse i norsk for 1.-7. trinn i grunnskulen.

Relevans for arbeidsliv og vidare studier

Studenten skal gjennom studiet kvalifisere seg for å undervise i norsk for 1.-7. trinn i grunnskulen.

Opptakskrav og rangering

Fullført 3 årig lærarutdanning og Norsk 1 eller GLSM 30 sp.

Arbeids- og undervisningsformer

Sjå nærare skildring i emneplanane.

Vurderingsformer

Sjå nærare skildring i emneplanane.

Internasjonalisering

Studiet har eit internasjonalt perspektiv i kraft av fagleg innhald.

Studiets oppbygging og innhold

Sjå nærare skildring i emneplanane.

Studiet er ordinært en del av grunnskolelærerutdanninga hvor praksis er ein integrert del av studiet. Studentane på vidareutdanning vil imidlertid ikkje ha praksis eller utveksling som ein del av dette studiet.

Emnetabell

Emnekode	Emnets navn	S.poeng	O/V *)	Studiepoeng pr. semester	
				Haut	Vår
2NK171-3	<u>Norsk 2 i GLU 1-7</u>	30	O	15	15
Sum:				15	15

*) O - Obligatorisk emne, V - Valgbare emne

Emneoversikt

2NK171-3 Norsk 2 i GLU 1-7

Emnekode: 2NK171-3

Studiepoeng: 30

Semester

Høst / Vår

Språk

Norsk

Krav til forkunnskaper

Norsk 1 for GLU 1.-7.trinn eller tilsvarende må være fullført og bestått.

Læringsutbytte

I norsk 2 skal studentane få ei utvida, forskingsbasert innsikt i norsk språk- og tekstkunnskap og fagdidaktikk, også i eit andrespråksperspektiv; dei skal arbeide meir med dei grunnleggande ferdigheitene og med eit breitt spekter av arbeidsmåtar, slik at dei skal få ei djupare forståing av samanhengen mellom fag, fagdidaktikk og praksis.

Kunnskapar

Studenten

- har kunnskapar om norsk språkssystem, også i eit kontrastivt perspektiv
- har kunnskapar om andrespråkslæring og fleirspråklegheit
- har kunnskapar om kva som kjenneteiknar språkleg kommunikasjon i ulike medium
- har kunnskapar om språklege endringsprosessar i fortid og samtid, om

normeringsspørsmål i moderne norsk og om sentrale kjenneteikn ved norske talemålsvarietetar

- har utvida kunnskapar om munnlege og skriftlege sjangrar
- har kjennskap til teoriar om samansette tekstar på papir og skjerm.
- har utvida kunnskapar om litteratur for barn i fortid og samtid, i ulike sjangrar og medium, og noko kunnskapar om ungdomslitteratur
- har kunnskap om remediering av barnelitterære tekstar
- har inngående kjennskap til teoriar om lesing og skriving, særleg knytt til den andre lese- og skriveopplæringa
- har innsikt i korleis elevar frå 1. til 7. trinn utviklar kunnskapar om munnlege og skriftlege sjangrar og kan nytte dei i eige tekstarbeid
- har kunnskapar om kva for funksjonar lesing og skriving har hatt og har i kulturen vår

Ferdigheiter

Studenten

- kan organisere og drive tilpassa lese- og skriveopplæring for 1. til 7. trinn etter fagleg grunnjevne prinsipp, også for elevar med norsk som andrespråk
- kan bruke språk- og tekstkunnskap aktivt i rettleiing av elevar i lese- og skriveprosessen
- kan rettleie i arbeidet med tekstar slik at elevane kan utvikle seg sjølve, skaffe seg kunnskapar og førebu seg for aktiv deltaking i offentlege rom og samfunnet som eit heile
- kan vurdere og reflektere omkring ulike slags prøver i lesing og skriving og nytte resultatet av dei til fagleg utvikling for elevane
- kan leggje til rette for den munnlege språkutviklinga til elevane
- kan analysere, tolke og vurdere skjønnlitterære tekstar for barn og ungdom og setje dei inn i ein større kulturell og historisk samanheng
- kan lese, analysere, tolke og vurdere samansette tekstar, digitale og trykte, og setje dei inn i ein større kulturell og offentleg samanheng

Generell kompetanse

Studenten

- er sikker munnleg språkbrukar og stø i skriftleg bokmål og nynorsk og har kompetanse i skriving av fagtekstar
- kan vurdere eigen praksis som norsklærer og grunnkje vurderingane
- har innsikt i norskfagets breidd og samanhengar og kan reflektere kritisk og konstruktivt
- har eit medvite forhold til korleis samtalen mellom lærar og elevar, og samtalen

elevane imellom, kan fungere som reiskap for læring

Innhold

- Språklege emne
 - språk som system: morfologi og syntaks i norsk og kontrastivt perspektiv
 - fleispråklegheit i teori og praksis
 - språkending og talemålsvariasjon. Geografisk, sosial og etnisk variasjon.
 - språknormeringsspørsmål i moderne norsk
 - språk i ulike medium og ulike sjangrar
- Tekstlege emne
 - munnlege og skriftlege sjangrar
 - hypertekst og samansette tekstar
 - tekstar for barn og unge i ulike sjangrar og medium
 - eit historisk perspektiv på barne- og ungdomslitteratur
 - norsk litteratur og litteraturdidaktikk i fleispråkleg perspektiv
 - medial adaptasjon
- Lesing
 - elevanes munnlege ferdigheiter
 - vidaregåande leseopplæring. Motivasjon og lesestrategiar
 - leseopplæring for fleispråklege elevar
 - vurdering av leseferdigheiter
 - lese- og skrivevanskar. Kartleggjing, årsaker, førebyggjing, avhjelping
 - lesing i ulike fag
 - lesing av digitale og andre samansette tekstar
- Skrivning
 - vidaregåande skriveopplæring. Skriveprosessar, skrivesituasjonar. Utvikling av elevens sjangerkunnskap.
 - skriveopplæring for fleispråklege elevar
 - vurdering av skriveferdigheiter
 - elevtekstanalyse og responsarbeid
 - skrivning i ulike fag
 - skrivning og skriveopplæring med digitale verktøy

Arbeids- og undervisningsformer

Faget er delt inn i fire hovuddelar: språklege emne, tekstlege emne, lesing og skrivning, som vil gå parallelt gjennom året. Det vil bli lagt opp til individuelt arbeid, arbeid i grupper, seminar (evt. nettseminar) og førelesingar. Det vil bli gitt rettleiing på skriftlege oppgåver, som studentane kan arbeide vidare med før innlevering av eksamensarbeidet (sjå pkt 12).

Det nettbaserte studiestøttesystemet Fronter vert nytta i undervisninga. Faget vil vere tilpassa studentar både frå campus-baserte og samlingsbaserte studium.

Praksis

Praksis er ein integrert del av fagstudiet. Arbeidet med faget og praksis er knytt saman mellom anna gjennom praktiske oppgåver som studentane skal førebu på høgskolen og gjennomføre i praksisperioden. Dessutan skal studentane sine erfaringar frå praksis vere gjenstand for etterarbeid og fagdidaktisk refleksjon på seminardagar på høgskolen og i trepartsamtalar med studentar, praksislærarar og faglærarar.

I løpet av dei to praksisperiodane skal studentane:

- Planleggje, gjennomføre og vurdere eit undervisningsopplegg i lesing, inkludert individuell rettleiing av elevar i denne lesinga
- Planleggje, gjennomføre og vurdere eit undervisningsopplegg i skriving, inkludert gje tilbakemelding på skriftlege tekstutkast frå elevar
- Om muleg, arbeide individuelt med ein eller fleire minoritetsspråklege elevar i lese- og skriveopplæring.
- Innhente ein elevtekst.

Vi viser til gjeldande *Plan for praksisopplæring* for detaljert informasjon om fokusområde og innhald i praksisperiodane. For studenten skal undervisningsfaga, pedagogikk og elevkunnskap og praksis utgjere ein heilskap. *Plan for praksisopplæring* og fagplanane supplerer kvarandre.

Studentar som har internasjonalt opphald

Det vil bli gjort naudsynte tilpassingar i fagplanen for studentar som har internasjonalt opphald ved ein av høgskolen sine samarbeidspartnarar i utlandet i vårsemesteret. Studentane vil kunne få individuelt tilpassa arbeidskrav.

Obligatoriske krav som må være godkjent før eksamen kan avlegges

- Obligatorisk frammøte til undervisninga i samsvar med undervisningsplanen.
- Inntil 4 individuelle skriftlege oppgåver med refleksjonsskriv, spesifiserte i undervisningsplanen, skal vere innleverte og godkjende. Oppgåvene skal vere fordelte på begge målformer.
- Éi skriftleg gruppeoppgåve med refleksjonsskriv skal vere innlevert og godkjend.

Det er ikkje krav til målform.

- Korte faglege innspel knytte til emne i pensum eller medstudentar si skiving, spesifiserte i undervisningsplanen, skal vere utførte.

Eksamen

Det er to element i den avsluttande vurderinga: ei samling individuelle skriftlege tekstar og ein individuell munnleg eksamen.

Tekstsamlinga skal innehalde:

- To individuelle skriftlege oppgåver som studenten vel frå dei individuelle oppgåvene studenten har skrive som arbeidskrav (jf punkt 9 og 11). Éin tekst må vere på bokmål og éin på nynorsk.
- Eitt refleksjonsskriv (valfri målform)

Tekstane vert vurderte samla med gradert bokstavkarakter frå A til F, der E er lågaste ståkarakter.

Munnleg eksamen

Etter tekstsamlinga er vurdert og har fått ein gradert karakter som er til bestått, blir det gjennomført ein munnleg eksamen der studenten kan få spørsmål i alle delar av pensum.

Den munnlege eksamen må vere til bestått. Når den er til bestått, vil den kunne justere den gitte karakteren på tekstsamlinga inntil eitt trinn opp eller ned.

Ansvarlig fakultet

Avdeling for lærerutdanning og naturvitenskap